

Contactonan importante a wordo estableci

Partido Democracia Real admiti como miembro di International Democrat Union

ORANJESTAD- Durante reunion di International Democrat Union na Ottawa, Canada, PDR a wordo admiti como miembro di e organisacion internacional prestigioso aki.

Miembronan di IDU tin representacion den sea Gobierno, Parlamento of Congreso rond di mundo. Miembronan di IDU ta por ehempel partido Conservador di Inglatera, partido Conservador di Canada, partido CDU di Alemania, tur actualmente den gobierno di nan respectivo pais, y partido Republicano di Merca cu tin gobernadornan na diferente estado y representacion den Congreso y Senado.

Acceso na contacto

Miembresia di IDU ta duna PDR acceso na contactonan internacional y experticio di partidonan afilia na e organisacion riba diferente nivel, pa por ehempel por yuda enfrenta retonan cu nos isla ta pasando den dje, manera e situacion financiero economico actual. IDU tambe tin un hala hubenil cual ta yuda prepara futuro lidernan politico. Miembresia di IDU na mes momento ta un logro grandi pa Aruba paso nos isla lo bira un di e sedenan di futuro reunionnan di IDU, treciendo varios dignatario y lider politico internacional pa bishita nos dushi isla. E delegacion di PDR consistiendo di sr. Andin Bikker y sr. Serge Mansur a wordo



ricibi pa diferente dignatario internacional. Entre nan e Minister di relacionnan exterior di Canada, sr. John

Baird, e Minister encarga cu financia general di Canada, sr. Tony Clement, e Secretario di Estado di Canada, sr.

Pierre Poilievre, y presidente di IDU y ex prome Minister di Australia, sr. John Howard. □